

ՊԱՏՄԱ-ՄՇԱԿՈՒԹԱՅԻՆ ԱԿՆԱՐԿՆԵՐ ИСТОРИКО-КУЛЬТУРНЫЕ ОЧЕРКИ

ՀԻՆ ԱՇԽԱՐՀԻ ՀՌԶԱԿԱՎՈՐ ՀՌԵՏՈՐ
ՊՐՈՀԵՐԵՍԻՈՍ-ՊԱՐՈՒՅՐ ՀԱՅԱՍՏԱՆԸ

Մ. Գ. ՄԵԼՔՈՆՅԱՆ

Հայաստանում, դեռևս Տիգրան Մեծի ժամանակաշրջանում, շատ հարգի է եղել հոետորական արվեստը: Հելլենիստական մշակույթի ազդեցությամբ կատարվել են դրական տեղաշարժեր, այդ թվում նաև ճարտասանության ռեադավոտում: Բացվել է թատրոն, կազմակերպվել են ճարտասանություն ուսուցանող դպրոցներ: Տիգրան Մեծի պալատում են եղել հույն նշանավոր հոետորներ Ամֆրիկատես Աթենացին և Մետրոդորոս Սկեսպիացին: Վերջինս գրել է Տիգրան Մեծի պատմությունը, որը, սակայն, մեզ չի հասել¹: Այս և ուրիշ հույն երևելի մտավորականների գործունեությունը Հայաստանում իր բարեբար հետքն է թողել նաև մեր հետագա պատմության մեջ: Հայոց Արտավազդ թագավորը, Տիգրան Մեծի որդին, որ հայտնի է նաև որպես թատերագույն և ողբերգական դերասան, եղել է աչքի ընկնող բեմասաց: Նա շարունակել է իր հոր հելլենասեր քաղաքական գիծը և էլ ավելի առաջ մղել արվեստն ու մշակույթը: Պլուտարքոսի վկայությամբ Արտավազդը գրել է նաև ճառեր և իր հոր նման հատել բազմաթիվ մետաղադրամներ:

Հռչակված հոետոր է եղել նաև հայ գիտնական Տիրանը, որին Լուկուլլոսը գերեզմարել էր, տարել Հռոմ: Այնտեղ նա ձեռք էր բերել մեծ համբավ: Լինելով Ցիցերոնի մտերիմներից, Տիրանը դառնում է նրա գրադարանապետը, հոետորական դպրոցի ուսուցիչներից մեկը, աչքի ընկնում իբրև դասադատ, բերական և մատենագետ:

Հայաստանում հոետորական արվեստի ուսումնասիրությունը համեմատաբար առավել հանգամանալից ուշադրության է արժանանում քրիստոնեությունից մուտքից և այն պետական գաղափարախոսություն դառնալուց հետո, երբ հայ միջնադարյան մշակույթը եղել է վաղ քրիստոնեական քաղաքակրթության միացյալ շղթայի մի օղակը: Քրիստոնեությունը, իրոք, գաղափարական հեղաշրջման մի կարևոր շրջափուլ է մարդկության պատմության մեջ ու նաև Հայաստանում: Եվ ինչպես լինում է ամեն մի նոր գաղափարախոսության հետ, III դարի վերջին և IV դարի սկզբին խիստ անհրաժեշտ էին քրիստոնեական կրոնի էությունն իմացող և այն մեկնաբանել կարողացող գրագետ մարդիկ: Հեթանոսության դեմ մղվող դժվարին և արյունոտ պայքարում, իրբ սրի հետ միասին խոսքն էր լուծում հաղթանակը, վիթխարի դեր է կատարել նաև հոետորների նոր սերունդը: Ահա պատմական հենց այդ ժամանակաշրջանում հայ ժողովրդին, նրա պետականությանը հարկավոր էին կրթված, լուսավորյալ ու եռանդուն մարդիկ: Միակ ճանապարհն արսասանմանի մեծ քաղաքների կրթությանը: Հայ պարմանիներին ուսուցման ուղուկերն էր: Ու շատերն էին դնում Անտիոք, Աթենք, Հռոմ: Ուսուցումն ավարտելուց հետո նրանք վերադառնում էին հայրենիք և լծվում ազգանվեր գործի: Լինում էին նաև չվերադարձողներ, որոնցից ոմանք, դառնալով ականավոր դեմքեր, ծառայում էին ընդհանուր քաղաքակրթությանը՝ իրենց անվամբ փառք ու պատիվ բերելով նաև հայ ժողովրդին:

Դրանցից մեկն է Պրոնեբեսիոս Հայաստանցին՝ Պարույր Հայկազնը:

Հայ մատենագրության մեջ նրա մասին ոչ մի տվյալ չկա, անգամ անունը չի պահպանվել: Թերևս դա նաև այն պատճառով, որ Պարույր Հայկազնը Հայաստանում չի գործել, կտրված է եղել մայր ժողովրդից:

¹ Հակոբ Մանանդյան. Տիգրան երկրորդը և Հռոմը. Երևան, 1972, էջ 85:

Հալ մատենագրությունը և նրա անբաժան մասը կազմող պատմագրությունն սկսվում են միայն V դարից, և մենք հայոց պատմության նախորդ շրջանի մասին տեղեկություններ ենք քաղում օտար աղբյուրներից: Հետևաբար, հարկ չկա զարմանալու, որ Պրոհերեսիոսի պես խոշոր անհատականություն մասին մեզ տեղեկություններ է տալիս միմիայն հունական մատենագրությունը, կոնկրետ պարագայում՝ հույն փիլիսոփա, պատմագիր և ճարտասան Եվնապիոս Սարգեսցին²: Նա իր ժամանակի ականավոր դեմքերից է, զբաղվել է նաև գրական ստեղծագործությամբ, բնական գիտությունների ուսումնասիրությամբ: Զ. Վ. Ուդալցովան նրան համարում է Պրոհերեսիոսի աշակերտը և համոզված հետևորդը, որը նրա ձեռքի տակ հասել է գիտության և արվեստի բարձունքներին³: Պարույր Հայկազնի մասին որոշ տվյալներ են տալիս նաև Գրիգոր Նազիանզացին, Բարսեղ Կեսարացին, Գրիգոր Նյուսացին, Լիբանիոսը:

Եվ չնայած Եվնապիոս Սարգեսցու գիրքը քանիցս հրատարակվել է բնագրի լեզվով (նաև հունարեն ու անգլերեն միասին), հագեցված գիտական ծանոթագրություններով, մեկնաբանություններով, տպագրվել է հատվածաբար նաև ռուսերեն, բայց հայերեն լույս չի տեսել: Վաղուց հասունացել է Եվնապիոս Սարգեսցու գրքի, գլխավորապես դրա «Պրոհերեսիոս» հատվածի հայերեն գիտական հրատարակության պահանջը:

Իր աշխատության մեջ հույն պատմագիրը, հետևելով Պլուտարքոսի «Զուգահեռ կենսագրությունների» ավանդույթներին, տվել է ժամանակի մի շարք ականավոր մարդկանց, այդ թվում՝ Պլոտինի, Յամբլիքոսի, Հուլիանոսի, Հիմերիոսի, Պրոհերեսիոսի և այլոց կենսագրությունները, հարուստ տեղեկություններ ժամանակաշրջանի մասին: Այդ դոքից մեզ համար պարզ է դառնում միջավայրի նկարագիրը, ծանոթանում ենք Պարույր Հայկազնի ուսուցչին, ուսանողական բնկերներին, գործընկերներին, հակառակորդներին, աշակերտներին և այլն:

Կենսագիր Եվնապիոս Սարգեսցին եղել է Պարույր Հայկազնի աշակերտը, սովորել է Աթենքում, նրա ճարտասանական դպրոցում: Իր մեծ ուսուցչին առաջին անգամ տեսել է 362 թ., երբ Պարույր Հայկազնը արդեն շուրջ 90-ամյա ժերոնի էր, իսկ ինքը՝ Եվնապիոս Սարգեսցին, 17 տարեկան պատանի: «Տեսի զնա, կրսէ Եւնարի, ալևոր սպիտակահեր արծաթափայլ, անցեալ զութ-սունեօթն ամօք, որպես ինքն ասեր, բայց էր ժիր լոյժ՝ զորպիսի ալևոր չէր իմ տեսեալ երբեք, և համարեցայ զնա անմահ ոք»⁴: Պարույր Հայկազնը ծնվել է 275 թ. և մահացել 367 թ.: Նա գտնվել է այն հասարակական-գաղափարական իրադարձությունների կենտրոնում, որոնց շնորհիվ հաղթանակն քրիստոնեությունը, ձևավորվեցին դրա տեսական հիմունքները, ձևավորվեցին նաև Պարույր Հայկազնի աշակերտների՝ բյուզանդական գրականության հիմնադիրներ Բարսեղ Կեսարացու և Գրիգոր Նազիանզացու ջանքերով:

Եվնապիոս Սարգեսցին իր ուսուցչի՝ Պրոհերեսիոս-Պարույր Հայկազնի մասին գրել է ոչ միայն նրան նվիրված հատվածում, այլև ականակել մյուս փիլիսոփաներին ու գործիչներին անդրադառնալիս: Թվարկելով ժամանակաշրջանի նշանավոր մարդկանց, հույն պատմիչը տալիս է Աթենքի հոետորական դպրոցի տնօրեն Հուլիանոսի անունը, խոսում նրա աշակերտների մասին, առանձնացնում հատկապես Պարույր Հայկազնին և նրան անվանում «աստվածային Պրոհերեսիոս»:

Հույն պատմիչն ասում է, որ ինքը տեսել է Պրոհերեսիոսի ուսուցչի՝ Հուլիանոսի տունը, որ լցված էր մուսանների ոգով և ճարտասանության աստված Հերմեսով, ու այդ տունը շատ էր նման սրբավայրի: Հուլիանոսն իր սուրբ

² Slaton Philostratus and Eunapius. Cambridge, 1961.

³ Античная древность и средние века. Вып. 10, Свердловск, 1973, с. 70.

⁴ Գ. Զարբհանալյան. Հայկական հին դպրության պատմություն. Վենետիկ, 1897, էջ 263:

կտակում է Պրոֆեսիոնալն: Նրա տանը դրված էին նաև իր սիրելի աշակերտների քանդակները: Գործնական, սքանչելի վերաբերմունք ուսուցչից՝ աշակերտին, Հուլիանոսից՝ Պրոֆեսիոնալն: Ուրեմն որքա՛ն մեծատաղանդ է եղել հայրդի սանը, որ օտարազգի վարպետ հոգևորը զավակի պես է վերաբերվել նրան, առանձնացրել իր մյուս սաներից և բարձր գնահատել:

Ուսուցիչ Հուլիանոսն Աթենք էր եկել Կապագովկիայից: Ուշագրավ է, որ նրա բազմաթիվ սաների մեջ քիչ չէին նաև իր հայրենակիցները, որոնցից բոլորից շատ նա սիրում էր Պրոֆեսիոնալն: Եվնապիոսը պատմում է մի այսպիսի դեպք: Փողոցում Հուլիանոսի հակառակորդ ուսուցիչ հոգևորի սաները կռիվ են սարքում և մեղադրում Պրոֆեսիոնալն ու նրա ընկերներին: Գործը հասնում է դատարան: Պրոկոնսուլը պահանջում է բացատրություններ ոչ թե ուսուցիչներից, այլ նրանց աշակերտներից: Հակառակորդ ուսուցչի սաները հանպատրաստից ճառի ընդունակ չեն լինում և պետք էր, որ նրանք վաղորդք պատրաստվեին ու նոր գնային դատարան՝ խոսք ասելու և նա առաջարկում է հետաձգել դատը: Բայց Հուլիանոսի աշակերտները կարող էին հանպատրաստից ճառեր ասել և պաշտպանել սեփական գաղափարներն ու շահերը: Եվ պրոկոնսուլի պահանջով ելույթ է ունենում Պրոֆեսիոնալ Հայաստանցին, որն էլ շահում է դատը: Նրա հանպատրաստից ճառը բնութագրվում է որպես աստիկյան նրբագեղ ու խորիմաստ ճարտասանության նմուշ:

Եվնապիոս Սարդեսցին պատմում է, որ Պարույր Հայկազնը, իր հերթին, ունեցել է շատ աշակերտներ, տարբեր երկրներից մարդիկ են եկել նրա մոտ ճարտասանական արվեստ սովորելու համար: Նրա սաներից մեկը 361—363 թթ. դարձել է միապետ: Դա Հուլիանոս կայսրն է, որ հայտնի է «Հուլիանոս Ուրացող» անունով: Այս միապետը հեթանոս էր, ձգտում էր հաստատել անհետացող հեթանոսության իրավունքները և հալածում էր քրիստոնեությունն ու քրիստոնյաներին: Բայց այդ դժան տարիներին նա ձեռք չտվեց չհետապնդեց իր ուսուցչին՝ Պրոֆեսիոնալն, թողեց հոգևորական դպրոցի տնօրենի իր պաշտոնում և նրան զրաժ նամակում ուսուցչին անվանեց հոգևորության հորդառատ և անարգել մի գետ, որը մրցում է Պերիկլեսի հետ, երբեմն էլ գերազանցում նրան: Ի դեպ, Պրոֆեսիոնալն համեմատել են Հերմեսի, ինչպես նաև Ցիցերոնի հետ:

Հուլիանոս կայսրը նրան առաջարկում է իր արխիվային նյութերը՝ ժամանակաշրջանի պատմությունը գրելու համար: Սակայն Պրոֆեսիոնոսը, չօգտվելով արտոնությունից, նույնիսկ հրաժարվում է իր գործից՝ հանուն քրիստոնեական դավանանքի, գտնելով, որ Հուլիանոս Ուրացողի հեթանոսական նկրտումները ժամանակավոր փոթորիկ են: Սա ևս չափազանց տիպական մի փաստ է հօգուտ հայազգի ականավոր հոգևորի և մտածողի:

Տասնհինգ դար անց, իմաստավորելով պատմական այդ ժամանակաշրջանը, Կարլ Մարքսը գրել է. «Այդ ուղղությունը, որին դեռ Հուլիանոս կայսրն էր պատկանում, գտնում էր, որ կարելի է ստիպել, որ բոլորովին չքանա իր համար ճանապարհ բացող ժամանակի ոգին, — հարկավոր է միայն աչքերը փակել՝ նրան չտեսնելու համար»⁵:

Փակագծերում նկատենք, որ որոշ ուսումնասիրողներ (Լ. Ա. Ֆրեյբերգ) Պրոֆեսիոնալ-Պարույր Հայկազնին համարել են հեթանոս հոգևոր և մտածող⁶: Սա, հարկավ, շփոթմունք էր, թերևս պայմանավորված Հուլիանոս Ուրացողին դասեր տալու և նրա կողմից հալածանքի չենթարկվելու փաստով և մեկ էլ նրանով, որ Պրոֆեսիոնալ կենսագիրը հեթանոսության ջատագով եվնապիոս Սարդեսցին է: Լավ է, որ այժմ հստակություն է մտցված այդ խնդրում, նաև հենց նույն Լ. Ա. Ֆրեյբերգի կողմից, որը մեծ հիացմունքով է գրել Պրոֆեսիոնալ մասին⁷ որպես նաև քրիստոնեության ջատագովի:

⁵ Կ. Մարքս և Ֆ. էնգելսը արվեստի մասին. Գ. 1, Երևան, էջ 361:

⁶ Տե՛ս Византийская литература. М., 1974, с. 29.

⁷ Տե՛ս Античность и Византия, М., 1975, с. 8—9, 17.

Պարույր Հայկազնի աշակերտներից են նաև, ինչպես ասվեց, բյուզանդական գրականության հիմնադիրներ Գրիգոր Նազիանզացին, Բարսեղ Կեսարացին, որոնք երկար տարիներ սիրով կապված են եղել իրենց իմաստուն, մեծահամբավ ուսուցչի հետ: Նա է, որ բանավոր խոսքի ընթացքում իր ականավոր սաների մեջ զարգացրել է գեղարվեստական ճաշակ, իսկ, ինչպես հայտնի է, III—IV դդ. շատ էր ընդունված պոետական և արձակ խոսքերի միաձուլումը հոեոորության մեջ մեծ ազդեցություն թողնելու համար: Իսկ դա դաստիարակում էր նաև պոեզիայի ճաշակ:

Խոսելով Գրիգոր Նազիանզացու և Բարսեղ Կեսարացու մասին և շեշտելով, որ նրանք եղել են Պրոհերեսիոսի աշակերտներից, սովետական գրականագետ-բյուզանդագետները իրավացիորեն արձանագրել են. «Շույնների հետ միասին բյուզանդական կուլտուրայի ստեղծողները եղան սիրիացիները և ղպտիները, հայերը և վրաստանից սերվածները, չխոսելով արդեն Փոքր Ասիայի հելլենացված ժողովուրդների մասին»: «Բյուզանդական ամբողջ կուլտուրան կանգնած է անտիկ և քրիստոնեական ավանդույթների դուալիզմի նշանի ներքո»⁸:

Այս կարծիքը լույս է սփռում ոչ միայն Գրիգոր Նազիանզացու, այլև նրա ուսուցիչ Պրոհերեսիոս Հայաստանցու վրա, որը քրիստոնյա էր. բայց հոեոորության դասեր էր տալիս նաև հեթանոս աշակերտներին, այսինքն այնպիսի մեծ կուլտուրայի տեր մտածող էր, որ գիտակցում էր հեթանոսության և քրիստոնեության պայքարում վերջինիս անվերապա հաղթանակը, բայց միաժամանակ գիտակցում էր ու արժեքավորում հելլենիստական մշակույթի մեջ եղած ամբողջ դրականը համայն քաղաքակրթության համար: Թերևս նաև այդ ոգին էր, որ նրան զերծ պահեց ճակատագրական կործանումից, Հուլիանոս Ուրացողի հալածանքից և առիթ տվեց իր մյուս հեթանոս աշակերտին՝ Եվնապիոս Սարգեսցուն, գրելու նրա կենսագրությունը: Սա արդեն իսկ շափաղանց բնութագրական հանգամանք է:

Բյուզանդական պոեզիայի այդ կարկառուն դեմքը՝ Գրիգոր Նազիանզացին, համաշխարհային գրականության մեջ թողել է անջնջելի հետք: Եվ կարևոր է արձանագրել այն, որ նա «ի խորոց սրտի խոսք» է ասել նաև իր ուսուցչի մասին, գրել է Պարույր Հայկազնի տապանադիր-մահախոսականը, որն օգտագործել է նաև Բաֆֆին իր «Պարույր Հայկազն» անավարտ վեպում: Գ. Զարբհանալյանը նկատել է, թե Գրիգոր Նազիանզացին «ի խորունկ ու դարմանալի իմաստությունը՝ կերպով մի Պրոհերեսիոս ջանիցն ու հանճարուն պարտական կը ճանչնա, ի մոտո գինքը ճանչցած ի մանկության, հասուն հասակին մեջ հետագա տողերը իրեն կը նվիրեր»:

Այսուհետև Կեկրոպիան դուխը բարձր պահելով թող չսպառնանա,
Անընդունելի է, որ աղոտ լույսը իբրև ջահ համեմատել արեգակի հետ.
Ոչ իսկ Պրոհերեսիոսի հետ հոեոորական պայքարի մեջ մտնել,
Որը ճարտասանական խոսքի հանդեսում նվաճեց ողջ երկիրը:
Շանթերից՝ կարծիքներից սասանվեցին Ատտիկան
Եվ բոլոր մեծախոս իմաստականների սնապարծ կաճառը:
Տեղի տվեցին Պրոհերեսիոսին: Տեղի տվեց նաև ինքը բախտը:
Անշքացավ Աթենքի պալատի փառքը դառն օրհասից:
Այսուհետև փախքը Կեկրոպիայից, համբավ մանուկներ⁹:

Գրիգոր Նազիանզացու այս բանաստեղծության վերնագիրն է՝ «Ի Պրոհերեսիոսի իմաստակ (կամ՝ Սոփեստես)»: Նկատենք, որ հայ գրողներն էլ փառաբանող բանաստեղծություններ ու ճառեր են ձուլել Գրիգոր Նազիանզացուն, թարգմանել նրա ստեղծագործությունները:

⁸ Византийская литература, с. 5—6.

⁹ Գ. Զարբհանալյան. Նշվ. աշխ., էջ 264 (բանաստեղծությունը գրաբարից թարգմանել է Ա. Զեյթունյանը):

Պրոհերեսիոսի ժամանակակիցներից մեկ ուրիշը, հելլենիզմին սիրահարութ ձոետոր Լիբանիոսը, որն իր ճարտասանական դարոցն է ունեցել և որտեղ ուսանել են նաև հայ աշակերտներ, ինչպես նաև վրացիներ, իր նամակներում գրում է, թե Պրոհերեսիոսը պերճախոսությամբ աշխարհն էր գրավում և արժանացել է արձանների, ունեցել է ազնիվ վարք։ Իսկ հոետորի համար բոլոր ժամանակներում գիտելիքներից ու խոսելու ձիրքից ոչ պակաս կարևոր է ազնիվ վարքը, առինքնող նկարագիրը, որը հավատ, վստահութուն և սեռ է ներշնչում նրա պաշտպանած գաղափարախոսության նկատմամբ։

Հին Հունաստանում ընդունված էր ականավոր հոետորներին և քաղաքական գործիչներին կենդանության օրոք մեծարել դափնեպսակներով, կանգնեցնել նրանց արձանները։ Հույներն այդպես են վարվել քերի հետ, բայց վարվել են տեղին ու ճշմարտացի։ Այդպիսի պատվի ու փառքի է արժանացել Դեմոսթենեսը, որին անվանել են Հայր հայրենիքի, այդպես են վարվել Իսոկրատեսի հետ և այլն։ Դարեր անց այդ ավանդութր շարունակվել է և Հռոմում։ Կենդանության օրոք հույները կանգնեցրել են Պրոհերեսիոս Հայաստանցու՝ Պարույր Հայկազնի բրոնզե արձանը, հետևյալ մակագրությամբ. «Քաղաքների թագուհի Հռոմը՝ ճարտասանության թագավորին» (Regina rerum Roma Regi Eloquentiae)։ Նրա Լուլիները Նդել են բովանդակալից, մտքերով և հույզերով հարուստ, պատկերավոր, դիպուկ, տրամաբանական։ Հաճախ է խոսել ունկնդիրների առաջադրած թեմաների շուրջ։ Մեկ անգամ ունկնդիրները սղաղրել են նրա ճառը, ապա խնդրել մեծ հոետորին կրկնել այն սկզբից մինչև վերջ, և նա կրկնել է նույնությամբ։

Հույները նրան անվանել են նաև Նոր Պերիկլես, որի շուրթերից հորդառատ գետի նման հոսում են պերճ ու իմաստուն մտքեր։ Սովետական գիտնականները (Մ. Ե. Գրաբար, Պասսեկ և այլք) ենթադրում են, որ Լիբանիոսը ևս որպես աշակերտ առնչվել է Պարույր Հայկազնի հետ, երբ իր ծննդավայր Անտիոքից ուսանելու եկավ Աթենք. «Այնտեղ էլ մեկնեց երիտասարդ Լիբանիոսը, իր հետ վերցնելով հորենական ժառանգության իր բաժինը և գինվելով «լավագույն սոփեստին» ուղղված երաշխավորագրերով, որի անունը, դժբախտաբար, նա չի տալիս (հավանաբար դա Պրոհերեսիոսն էր)»¹⁰։

Գ. Զարբհանյանը դիտել է, որ Լիբանիոսը՝ «Պրոհերեսյա ժամանակացաց մեջ և քիչ մը իրմեն վերջ ալ՝ դարուն ամենեն անվանի իմաստակա և հրեետորը», «իր նամակաց մեջ մեծ գովությամբ կը հիշե զՊրոհերեսիոս, և կը վկայե, թե նա պերճախոսությամբ աշխարհքըս գրավեր է», «վարքովն ալ՝ ազնիվ անձ»¹¹։

Բայց արդյո՞ք Պրոհերեսիոսը եղել է միայն երջանիկ մարդ, որի ճանապարհորհարթ է անցել Աթենքում և Հռոմում, առանց դիմադրության է հնչել նրա խոսքը այդ քաղաքների հրապարակներում։ Ո՛չ։ Նրան հալածել են ու նախանձել, երբ եղել է պարմանի, հալածել են ու նախանձել նրան, երբ երիտասարդ էր, հալածել են ու նախանձել, երբ հասուն այր էր ու աքսորել են Աթենքից, գցել աղքատության գիրկը։ Քաղաքական իրավիճակի փոփոխությունը ծանր է անդրադարձել նաև նրա վրա։ Երբ պատանի էր ու եկավ Աթենք, գրեթե մերկ էր ու քաղցած և քաղաքում զբոսնելու համար իր ընկերոջ հետ միասին փոխնիփոխ օգտվում էր միակ պատմուճանից։ Երբ խոր ծերունի էր, շափազանց անհանգիստ էր իր դուստրերի ճակատագրով։ Սակայն այդ ամենին նա դիմագրավել է իր մտքի և հավատի ու կամքի ամրությամբ։

Եվնապիոս Սարգեսին պատմում է, որ բացի մտքի և խոսքի հզորությունից, նա բնությունից օժտված էր այլ բարեմասնություններով ևս։ Չափազանց գեղեցկատես էր ու հաղթահասակ, ուներ հրացայտ աչքեր, լայն ճակատ ու խիտ մազեր՝ սպիտակ ինչպես արծաթ կամ ծովի ալիքներ։ Խոր ծերության մեջ անգամ պահպանել էր իր հոետորության և մտքի ամբողջ ու-

¹⁰ История греческой литературы, Т. III, М., 1960, с. 291.

¹¹ Գ. Զարբհանյան. նշվ. աշխ., էջ 264—265։

ժը: Հոգին տակավին երիտասարդ՝ պահպանում էր հոգնած մարմինը. այդ մարդը, ինչպես ինձ թվում էր, չպետք է ծերանար և անմահ էր, շարունակում է նվնապիոս Սարգեսցին:

Յավոք պետք է արձանագրել, որ Պարույր Հայկազնի ստեղծագործությունները չեն պահպանվել, կամ ո՞վ գիտե, գուցե և պահպանվել են ու մեզ են անհայտ, թերևս ձուլվել են հույն հոետորների և իմաստասերների տեքստերին: Բայց բարեբախտություն է այն, որ Պրոհերեսիոսի մեծանուն աշակերտներից նվնապիոս Սարգեսցին գրել է նրա կենսագրությունը, իսկ Բարսեղ Կեսարացին և Գրիգոր Նազիանզացին իրենց խոսքն են ասել մեծանուն ուսուցչի մասին և իրենց հետքն են թողել նաև հայ իրականության մեջ և հայ մատենագրության վրա: Ժամանակակից հայագետները (Մ. Ավդալբեկյան, Կ. Մուրադյան) հայ գիտաբանական արձակի սկզբնավորմանը և գրական կապերին ու փոխազդեցություններին նվիրված աշխատություններում անդրադարձել են նաև նրա այս աշակերտների ստեղծագործությանը և առնչություններ տեսել: Բակ ուս գրականագետները, երբ գրում են բյուզանդական մշակույթի մասին, անպայման տալիս են այդ գրականության երկու կարկառուն դեմքերի անունները, շեշտելով, որ նրանք սովորել են հայազգի հոետոր և նորպլատոնական փիլիսոփա Պրոհերեսիոսի՝ Պարույր Հայկազնի դարոցում:

Հետևաբար, նախամեսորպյան ժամանակաշրջանի հայ մշակույթի պատմության հարցերին անդրադառնալիս մենք չենք կարող չխոսել ականավոր հոետոր և փիլիսոփա-մանկավարժ Պրոհերեսիոսի՝ Պարույր Հայկազնի մասին: Պարույր Հայկազնը եղել է հին աշխարհի մեծագույն հոետորներից, Դեմոսթենեսի և Ցիցերոնի գործի արժանավոր շարունակողներից մեկը, և ըստ էության՝ բյուզանդական հոետորական դարոցի հիմնադիրների առաջին շարքերում, նաև գիտնական-տեսաբանների նշանավոր կադրեր է աճեցրել ու դաստիարակել: Նվ չնայած հայ մատենագրության մեջ նրա մասին տրված լինելը չկան, սակայն նոս անձը մշտապես հետաքրքրել է հայ գիտնականներին ու գրողներին՝ Բաֆֆի, Գ. Ջարբհանայան, Ա. Սուքրյան, «Բազմավեպ», «Փորձ» ամսագրեր, ապա նաև՝ Վ. Չալոյան, Ս. Արևշատյան, Գ. Խըրյուպյան և ուրիշներ: Խոսելով Պրոհերեսիոս-Պարույր Հայկազնի մասին, «Փորձ» հանդեսը գրել է. «...ո՞ր են այժմյան Պրոհերեսիոսները, Խորենացիները, Նզնիկները, Դավիթները, ո՞ր են մեծ գիտության հերոսները...»: Ցանկանալով հայրենասիրության նոր դարձնել առաջացնել, ամսագիրը քննադատում է երիտասարդության շահամուրթությունը, նրանց կոչելով հետևել հայոց մեծ նախնիներին՝ օրինակին¹²: XIX դարի հայ մամուլի ալսպիսի վերաբերմունքը սոսկ հայրենասիրությունից չի բխում, այլ, գլխավորապես, պայմանավորված էր հայոց փիլիսոփայության, ճարտասանության, մշակույթի ակունքների և օրինաչափությունների գիտական ուսումնասիրության շահերով:

Զպետք է մոռանալ, որ Պրոհերեսիոսի երիտասարդության տարիներին քրիստոնեությունը Հայաստանում դառնում է պետական կրոն, իսկ Պարույր Հայկազնը քրիստոնեության ջատագույններից էր այդ դարաշրջանում: Նվ դրժվար է կարծել, որ այսպիսի մի ականավոր հայորդուն չիմանային Հայաստանում, մանավանդ, քրիստոնեության առաջին հայ ջատագույնները: Զէ՞ որ Ագաթանգեղոսը, Կորյունը, Մովսես Խորենացին, Փավստոսը, Նզնիկ Կողբացին լավ են իմացել մեծ ճարտասանի ու իմաստասերի աշակերտներին՝ Գրիգոր Նազիանզացուն ու Բարսեղ Կեսարացուն. թարգմանել են նրանց երկերից, նույնիսկ կրել են նրանց որոշակի ազդեցությունը: Այսպես, օրինակ, Նորայր Բյուզանդացին դիպուկ նկատել է, որ տասնյակ՝ ընդհանրություններ կան Մովսես Խորենացու «Հայոց պատմության» և Գրիգոր Նազիանզացու մի շարք ճառերի միջև, ոտոնք այսօր էլ կարևոր են սկզբնավորման շրջանի հայ մա-

12 «Փորձ». 1879, № 2, էջ 79:

սանագրության վրա նազիանդացու ճառերի ազդեցություններն ու հետքերը գնահատելիս¹³, Հայագիտությունը նշել է, որ Գրիգոր Նազիանդացու ճառերի հետքը կա նաև Մովսես Խորենացու «Ողբի» վրա: Իսկ «Ողբը» հայ վաղ միջնադարյան հոստորական արվեստի և հրապարակախոսության կոթողներից է և գրված է հենց բանավոր խոսքի սկզբունքներով:

Հայագիտության ուղադրությունից չի վրիպել Պրոհերեսիոսի և հայ իրականության այդպիսի միջնորդավորված կապը: Շատերն են անդրադարձել դրան և տարբեր տեսանկյուններով: Այսպես, Լեոն գոել է. «Պրոհերեսիոսը զուտ հույն գիտնական էր, երբեք չվերադարձավ իր հայրենիքը: Բայց նրա ծագումը մեծ նշանակություն ունեցավ այն պատճառով, որ հայ ուսանողությունը ավելի բազմաթիվ Աթենքում և ազդեցիկ դեռ կատարել սկսեց ուսանողական աշխարհում: Ուսանողությունն այն ժամանակներն էլ բաժանվում էր ընկերակցությունների, որոնց հիմքը ազգայնական էր: Հայ ուսանողական կազմակերպության հոգին Պրոհերեսիոսն էր և որովհետև սա, իբրև հռչակավոր գիտնական, ուներ շատ հակառակորդներ, հայ ուսանողությունը նրա պաշտպանության համար մղում էր եռանդուն պայքար, ուստի և հայտնի դարձավ իբրև մարտնչող, խիզախ արդարություն (ընդգծումը մերն է—Մ. Մ.)¹⁴:

Արշակ Ալպոյաճյանը, խոսելով IV դարի իմացական և կրոնական հարաբերությունների մասին՝ հոսմեական ազդեցության ուրույնների ընդարձակման ժամանակաշրջանում, անդրադարձել է Պարույր Հայկազնին, մասնավորապես նկատելով. «Բոլոր պոետացիք և մերձակա զավառները—անշուշտ Հայաստանն ալ մեջն ըլլալով—աշակերտներ կը ղոկեին Պարույրին իբր ծանոթի և իրենց մեջ համբավ ունեցող հռչակավոր մարդու: Ասկե զասք բոլոր Փոքր Ասիայեն, Եգիպտոսեն և Լիբիայեն իր հանճարին վրա զմայլողներ դուստագունտ կը ղիմեին Պարույրին, որուն փառքը ամեն կողմ կը տարածվեր»¹⁵: «Բազմավեպում» Ա. Սուբրյանը նույնպես, Բարսեղ Կեսարացու նվիրված հոդվածում արժեքավորում է նրա հայազգի մեծ ուսուցչի դերը ականավոր աշակերտներ պատրաստելու և դաստիարակելու գործում¹⁶:

Այսպիսով, հունական կրթություն ստացած և մայր հայրենիքից հեռու գործած հոստորը և փիլիսոփան, մանկավարժը և գործիչը փաստորեն մի նոր կամուրջ է դարձել հունական քաղաքակրթության ու Հայաստանի միջև: Երբ Պրոհերեսիոս-Պարույր Հայկազնր իր փառքի ղենիթում էր, տեսանելի էր շատերին ներում, նաև իր հայրենիքում, որի պատմությունից և քաղաքակրթությունից նրան կտրելու իրավունք չունենք: Նա չկտրվեց Հայաստանից նաև իր սաների և սրանց սաների միջոցով:

Նկատենք, որ արգի ոուս գրականագիտությունը նույնպես ըստ ամենայնի բարձր է արժեքավորում Պրոհերեսիոս-Պարույր Հայկազնի աշակերտներին՝ Գրիգոր Նազիանդացու և Բարսեղ Կեսարացու ծագությունները մասնավորապես հոստորական արվեստի զարգացման ուղղությամբ, որոնց աշխատությունները, ինչպես V դարում հայ իրականության մեջ, այնպես էլ IX—X դդ. ոուս իրականության մեջ եղել են առաջին թարգմանվող գրքերից¹⁷:

¹³ Կ. Մ. Մուրադյան. Գրիգոր Նազիանդացին հայ մասնագրության մեջ. Երևան, 1983, էջ 6:

¹⁴ Լեո. Երկերի ժողովածու. հ. I, Երևան, 1966, էջ 426:

¹⁵ Արշակ Ալպոյաճյան. Պատմություն հայ Կեսարիո. հ. Ա, Գահիրե, 1937, էջ 278—279:

¹⁶ «Բազմավեպ», Վենետիկ, 1873, № 13:

¹⁷ История русской литературы X—XVII веков, под. ред. Д. С. Лихачева. М., 1980, с. 112.

Մեր այս խոսքը Պրոէրէսիոս-Պարույր Հայկազունի մասին եզրափակենք XIX դարի վաստակաշատ հայ գրողական Գարեգին Զարբանալյանի ձեռագիր պատմամբ. Պրոէրէսիոսը «մեր ամենեւնի մեծ նախնան անոն է», «Հայկական դարձմանց պարծանք անվանի անձը»:

ЗНАМЕНИТЫЙ РИТОР ДРЕВНЕГО МИРА ПРОЭРЕСИЙ—ПАРУЙР АЙКАЗН

М. Г. МЕЛКОНЯН

Резюме

Статья посвящена знаменитому ритору, философу-неоплатонику III—IV вв. Прозересию—Паруйру Айказну. Армянин по происхождению и выходец из Армении, Прозересий получил образование в Антиохии, Афинах и Риме. Он играл большую роль в общественно-политической и культурно-художественной жизни Византии, воспитал плеяду ораторов, писателей, государственных деятелей, выступал с речами в разных странах. Его учениками были император Юлиан Отступник, богословы Григорий Назианзин и Василий Кесарийский, ритор Либаний. Один из его учеников, философ Евнапий из Сард, который прославился как историк ранней Византии, написал также биографию Прозересия. Ему посвятил стихотворение Григорий Назианзин. При жизни Прозересия в Риме был поставлен его медный бюст с надписью: «Царица городов Рим—царю элоквенции». В статье отмечается также значение деятельности Прозересия и его учеников Григория Назианзина и Василия Кесарийского для развития армянской художественно-эстетической мысли и ораторского искусства.